



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1351 usque ad annum 1414

**Fleury, Claude**

**August. Vind. [u.a.], 1768**

**VD18 90118278**

§. 41. Albatæ centuriæ per Galliam grassantur.

---

[urn:nbn:de:hbz:466:1-66293](https://nbn-resolving.org/urn:nbn:de:hbz:466:1-66293)

Sæcul. XIV.

A.C. 1359

*Vit. c. 8.**p. 1004.**Mart. The-  
saur. anecd.  
to. 2 p. 846.  
epist. 5. 6.*

præberet, monuit, pollicitus fore, ut jus utrique diceret, neutrius rationem habendo. Attamen Petrus a reverso in Cyprum Legato Petro Thoma, quem acceperat, inunctus solenniter, & coronatus est in cathedrali templo Famæ Augustæ. Interim Hugo erat Avenione apud Papam: qui ei munus Senatoris Romani contulerat: ut indicant duæ Summi Præfulis epistolæ 8 Jan. 1361 scriptæ, ad Romanos altera, altera ad Mariam Hugonis matrem, Constantinopolitanam Imperatricem honorariam.

## §. XLI.

*Albatæ centuriæ per Galliam  
grassantur.*

Eodem tempore Papa in omnem partem mittebat litteras, ut subsidia contra centurias Albatas obtineret: quæ res altius est repetenda. Commisso prælio Pictaviensi, ac Rege Joanne capto quamplurimi variis ex regionibus milites stipendiis fraudati suis, & unde in Francia viverent, ignari convenerant sub auspiciis Arnaldi Cervoli viri nobilis Petrocoricensis, ludicro cognomine Archipresbyteri. Primum Provinciam versus progressi occupatis ibi multis urbibus & castellis regionem totam diripuerunt anno

1357.

*Froiss. vol. I.**c. 177.**M. Vill. l. 7.**c. 87.**Vit. Innoc.**p. 334.**not. p. 946.*

1357. Papa hanc tempestatem in dies sæcul. XIV.  
 invalescentem venire videns, suos omnes A. C. 1360.  
 armis accingi voluit: quos recognoscens  
 comperit esse homines egregios ac nu-  
 merosos. Inter hos recensuit quater  
 mille Italos duplo plures cæteris. Dein  
 Avenionem firmis moenibus munire cœ-  
 pit, nullam tunc aliam cautionem foris  
 adhibens contra centurias Albatas: sic  
 enim vocabantur.

Sed 8 Maji anno 1360 Bretiniaci  
 prope Carnutum pace inter Franciam  
 Angliamque confecta, illas centurias au-  
 gebat ingens numerus dimissorum mili-  
 tum, hominumque maleficorum per Gal-  
 liam vagantium: etsi Rex Joannes edici  
 curaverat, ut se disjungerent. Tum Cer-  
 volus captum diripuit Fanum Spiritus  
 Sancti urbem ad Rhodanum sitam, se-  
 ptemque leucis distantem Avenione; u-  
 bi consternati animis Papa & Cardinales  
 sacrum imperabant bellum contra hos  
 Christianos ethnicis pejores. Nec enim  
 dubitabant vastare regionem, illico rapi-  
 nas facere, violare, perimere viros, fœ-  
 minas, ac liberos: & qui turpissima per-  
 petrabat, maximi æstimabatur. Igitur  
 sacrum Papa classicum cani, & absolu-  
 tionem a poenis culpisque sponderi voluit  
 iis, qui cruce induti suam periculis ob-  
 jicerent vitam, ut gentem atrocissimam  
 profligarent. Petrus Bertrandus Cardi-  
 nalis

**Sæcul. XIV.** nalis Episcopus Ostiensis a purpurato  
**A.C. 1361.** Collegio cooptatus in Ducem pii exerci-  
 tus Carpentoractum ibat: ubi commo-  
 rans recipiebat omnes, qui militiam cru-  
 cis inire cupiebant. Sed cum præter  
 noxarum veniam nihil acciperent; Lom-  
 bardiam petebant alii; alii patriam repe-  
 tebant suam; immo nonnulli se adjunge-  
 bant Albatis centuriis, quæ nova quoti-  
 die incrementa capiebant.

**Thef. anecd.** In principio anni 1361 Papa Innocen-  
**to. 2. p. 846.** tius multas hac de re litteras dabat. O-  
**epist. 4.** ctavo Januarii Ludovico electo Episcopo  
 Valentino præcepit, ut pergeret indicare  
 ipsi, quid agerent illæ centuriæ, usque  
 quantum posset, obsisteret. Decimo e-  
 jusdem mensis oravit Philippum Bur-  
 gundiæ Ducem, ne illas transire per ter-  
 ras suas sineret; certioreque fecit de  
 promulgato in templis sacro contra eas-  
 dem bello. Hic Dux Philippus cogno-  
 mine Roburinus eodem anno decessit:

**ep. 8.**

**Lab. Tabl.** & in eo exaruit prima stirps Ducum Bur-  
**p. 130.** gundiæ orta ex uno de filiis Regis Ro-  
 berti. Papa similiter scripsit Reçtori Del-  
 phinatus, Comiti Sabaudia, civitati E-  
 bredunensi, Regi Joanni, Carolo ejus fi-  
 lio natu majori Duci Normanniæ, Im-  
 peratori Carolo IV, pluribusque aliis.

**ep. 9.**  
**10. 12. 13. 14.**  
**20.**

**Rebd. 1361.** Ineunte Martio ejusdem anni No-  
 rimbergæ Imperatrix filium peperit, adeo  
 exultante Carolo, ut ad ejus baptismum in  
 eandem

eandem urbem conventum solemnem convocaret: cui Electores fere omnes intererant. Infans undecima demum Aprilis dominica secunda post Pascha, cum spatium menstruo majus ab ejus ortu effluxisset, sacro fonte aspersus Wenceslai nomen accepit. Sponsionem pro eo faciebant Archiepiscopi tres, sex Episcopi, & quinque Abbates, quatuordecim omnino Præsules. Natalitia solemnia per octo dies celebrata: allata ex Bohemia ornamenta imperatoria; & quæ pars eorum erant, reliquæ, inter alias instrumenta cruciatuum Christi: ea publice monstrata: promulgata, quam Innocentius dederat, noxarum veniæ equalis illi, quæ die Coenæ Domini Romæ conceditur: editæ equestres pugnæ ludicræ, multaque alia festæ lætitiæ testimonia: denique Imperator Aquisgranum ad Dominæ nostræ templum donomisit quindecim auri selibras, pusionis pondus exæquantes.

§. XLII.

*Creantur Cardinales.*

Eodem anno Avenionem pestis iterum invasit tam violenter, ut a Paschate, quod inciderat in vicesimum octavum Martii, usque ad diem festum S. Jacobi 25 Julii septendecim fere millia hominum

*Id. p. 443.*

*Histor. Eccles. Tom. XXIV. M inte-*

Sæcul. XIV.  
A. C. 1361.